

De
SCORBUTO,

57

Quam

Divinâ affulgente Gratiâ,

JUSSU ET AUTHORITATE

Amplissimi & Gratosissimi Medicorum Ordinis,

qui in illustri Tubingâ est,

PRÆSIDE

Viro Nobilissimo atq; Excellentissimo

DOMINO

GEORG-BALTHASARE METZGERO

Medic. Doct. Practic. Anatom. & Botanic. P. P.

Celeberrimo, Domino Præceptore, Hospite atque Patrono

suo, æternâ animi observantiâ colendo,

PRO LICENTIA

Summos in Medicina Honores & Privilegia

Doctoralia legitimè obtinendi,

Publicæ & Solenni Disquisitioni subjicit

LAURENTIUS EFFEREN, Reütlingensis.

IN AULA NOVA,

Die Febr. 1747

Hor. solit.

TUBINGÆ,

J. J. WERLIN,

Laudatissimos,

VIROS NOBILITATE, LITUDINE,

Prudentiâ, longâq[ue] rerum usu Clarissimos,

Gravissimos, Spectatissimos,

DN. DN.

CONSULES

ET SENATORES

INCLYTÆ REUTLINGENSIIUM

REIPUBLICÆ,

DNN. MECOENATES AC PATRONOS

*Suos summo honoris & observantia studio
devotè prosequendos,*

DISCURSUS HUIUS INAUGURALIS

oblatione ad ulteriorem sui favorem
pariter atque promotionem sub-
missè invitat.

LAURENTIUS EFFEREN.

Πεγαύλιον.

SCORBUTUS, πολύμορφον illud καὶ ἄλλοπρόσκαλον πάθος, non tam symptomatum, quā se tegit, πολυμορφία, quā suā, quā in omnes corporis partes sævit, tyrannide, merito sui omnibus metum incutit. Endemius olim solis Germaniæ inferioris & Belgii populis morbus habebatur; Jam dudum verò his limitibus non contentus suæ ditionis pomoeria latius extendit, omnesque penè regiones non solum sibi subjugavit, sed & ignorantia & indulgentia Medicorum licentiosior jam factus, indies magis magisque serpit, metuendumque nū fraudes ejus subolfaciamus, & debita ei arma in tempore obvertamus, ut ex *Dravvityj de symptom. scorbut.* prælagio præ hujus lævitia omnes civitates, pagi omnes, omnes denique domus in mera nosodochia convertantur. His animatus minis in præsens fallacem φοβερωτάτω huic valetudinis nostræ & quasi jurato hosti larvam detrahare, geniumque ejus & ingenium accuratius explorare, & quibus denique armis expugnari feliciter, & à corporis nostri finibus quā longissimè repelli possit, pro viribus indicare mecum constitui. Adsit Sacro-Sanctæ TRIADIS grātia, ut certa & plana ad veritatem pateat via.

THESIS I.

NOMEN SCORBUTUS, Schorbutus, Latini à Belgico Schoorbuyck / secundum Engalenum, vel Danico Schorbeck / secundum Wierum, aut re-
lius Storbug / secundum Thom. Bartholinum in Cista

Medic, imi ventris & hypochondriorum torminibus mutuati sunt; quorum respectu inculti Scriptores scarificationem ventris vocant, referente *Lemnio lib. 2. de Complex.* Nostratibus pari de causa *Schurbock* / *Schurbauch* audit. Alia symptomata alia peperere nomina; ubi dentium in ore vacillat septum, laxæ gingivæ intumescunt, sanguinem sudant, exulcerantur, os mephitim olet, *σομακάνη*, vel *Strabonis* verbô *σομακάνη, πᾶσι* *τοῖς* *ἰσόμενα* *καὶ* *ἐξοχλῶ*, oscedo, oris scorbutus, *Schorbeck* / *Schormund* / *Mundfaule* / dicitur; si suum non satis faciunt officium crura, ulcera alia in iis emergunt, alia senescunt, *Scelotyrbe* authore *Plinio*, ad veterum tamen mentem *Salmasii* iudiciô de ann. *Climact.* minùs verè salutatur. Gingipedium, ubi os & crura tenet, nomine pro morbi indole exprimenda perquàm congruo, teste *Crusio in theatr. Hermet.* crassâ tamen & pingui *Minervâ* secundum *S. Alberti* inscribitur, sique pari brachia tyrannide aggreditur, gingibrachium *μυρμηλινῶς* *Forestus* dixit: puniceis maculis in cute efflorescentibus, *Blamischupf* nominant. *Rod. à Fonseca in Consult. Med.* contagii intuitu notam Elephantiasin iudicat.

II. An. & quibus antiquitatî nominibus innotuerit, omnes fere sollicitos habet. Innotuisse dubitare non ausim; cum causam omnî ævo terræque præsentem agnoscat. Interin cùm fortè se vel rarò ostenderit, vel pro locorum conditione variâ variè luserit, nomen subindè mutavit, non mores, non indolem, quam vivis coloribus suis vel unus *Hippocrates*, ut alios brevitatîs amore taceam, ad eò graphicè depinxit sub magnis lienibus, ilco hamatite, *l. de intern. affect. 2. prædict.* ut certò certius sit, divinum hunc præceptorem nostrum longè exactius morbi huius ideam cognovisse, quàm

modernorum Medicorum plurimos. Loquuntur pro hac sententia *Sennertus de scorb. C. Hofmannus 3. Instit. & ante hos Langius l. 2. Epist. Med. 14. Ronssseus de magn. lib. Hipp.* Nec pluribus contra *Vvierum* negantem testibus opus est.

III. Est prava & occulta totius ferè corporis omniumque partium dispositio à seroso-salinâ sanguinis cacochymia specifica malignitate infecta, viscerum primæ & secundæ coctionis vitio producta, & cum sanguine circulante in omnes partes effusa, orta.

IV. Ob variam quam induit faciem versipellis Protheus hic, hæsitavit non pauci, ad quod morborum genus commodè referendus sit. *L. Lemnius 1. d. occult. nat. mir.* ad icteri nigri symptomata, 2. *de complex.* ad morbosam splenis intemperiem *Ronssseus l. 6.* ad magnitudinis morbos, alii ad alias classes revocarunt. Mihi prava & occulta corporis dispositio placet, cum sine illis sæpè notetur Scorbutus, nunquam sine hac; adeoque occultarum qualitatum, seu, ut cum *Fernelio* loquar, totius substantiæ morbus est. Occultam dispositionem & malignitatem à communium morborum malitia forma & specie diversam agendi modus, symptomata & curatio produnt, de quibus mox.

V. Subjectum est totum ferè corpus, omnesque ejus partes. Has enim omnes luis hujus tyrannide subjungi, quotidianæ ægrorum querelæ, facultatumque omnium offensæ edocent; principes an minus principes, maximæ, minimæ, mediocrimæ sint; Tros Rutilusve fuit, nullo discrimine habentur. Originaliter tamen & præcipuè dubio procul accusanda veniunt internæ partes, viscera primæ & secundæ coctioni sacra, quæ malignam hanc dispositionem non modo prom-

promptè recipiunt, sed & originem ei præbent & fomentum. *Cous* ut vel ex solo nomine patet, culpam in lienem rejecit, cui *Ronssseus*, *Reusnerus*, *VVierus*, *Gr. Horstius*, *Benedictus Sylvaticus* in *Consil. & respons. med. &c.* calculos suos adjiciunt. Hepar præ liene suspectum reddunt, quæ *Forestus* salvò liene in quodam *Hollandiæ* Præside observavit *l. 20. obs. 11.* imò utrumque hoc à culpa viscus absolvere videtur, quod *Sennertus* invenit in *Scorbutici* cadavere omentum putridum & corruptum *l. 3. pract. c. 2.* Pro ventriculi incolumitate stat appetitus in nonnullis satis vegetus. Sed nullum horum viscerum nec aliorum, quæ quocunque modo ad primam vel secundam coctionem faciunt, omni à culpa absolvere ausim, suspecta singula sunt, si non, ut causæ primariæ saltè ut adjuvantes, quod mutuam ferè singula operam conferant, unoque læso alterum alterius læsionem facilè sentit & in consensum trahitur. Nec culpam in aliis deprecatur, quod substantiâ, colore, &c. post obitum integra apparuerint. Occultum morbus noster *μίασμα* redolet, & ideò occultam partibus corruptionem, nullò etiam ad sensum apparente vitiò, ad exemplum aliorum occultâ vi agentium, inspirare novit. Nec ventriculum appetitus satis subinde validus excusat; eadem enim, quæ hunc auget, causa coctionis impeditæ & depravatæ mater est. Interim præ omnibus & frequentissimè lienem vapulare crediderim, rationes jam circa causæ enodationem indicaturus.

VI. Hanc dixi *seroso-salinam sanguinis cacochymiam specificâ malignantate infectam*. *Cacochymiam* indicant effectus; vitiosus corporis habitus, coloris vividi in lividum mutatio, lassitudo spontanea, atrophia, non-

nun-

nunquam etiam incrementum corporis non naturale, febres tertianæ, quartanæ, ordinatæ, inordinatæ aliæ; feri abundantiam; moleste salivationes, sudores nocturni largi, urinæ tenues & aquæ, quas propterea *ῥαλγιδέας Hipp. in coac.* vocavit, crebriora sanguinis tenuioris è naribus, labiis, gingivis, cruribus, nec non cœcis cutis spiraculis variis stillicidia, momentanea humorum symptomatumque transpositio, morbi per urinas, sudores, solutio, quin & non infrequentes Scorbuti in hydropem *μετὰ πύρεας*. Sale infectum hoc serum esse, ferè omnia docent. Urinæ præfalsæ, arenulæ rubræ matulæ parietibus adhærescentes, interdum per cutē crumpentes sudores, pruritu saluginoso comitati, gingivarum erosio, crurum exulceratio, spasmus, dolores lancinantes, & nescio quæ non symptomata alia. Sequior sexus loco menstrui sanguinis alba, falsa, acrida excernit: alius per narium hæmorrhagiam, sanguinem linteamina, quibus exceptus fuit, corrodentem emitit teste *Döringio l. i. d. med. & medic.* Sed omnem tamen paginam non absolvit seroto-salina sanguinis cacoehymia, cum non omnes hac infecti Scorbutici sint, sed ut specifica insuper hujus corruptio & malignitas accedat, oportet. Unde addo *specifica malignitate infecta*. Specificam hanc *κακότηταν* detegunt symptomata communem morem modumque excedentia, quibus affectus hic sine pari luxuriat, contagii ratio *ῥέειον* redolens, pulsus ea nonnunquam malignitas, ut secundum *Eugalenum* Italo Medico mirum videri possit, hominem cum hoc superesse posse, nec non ipsa denique curatio.

VII. Unde hæc cacoehymica colluvies scaturiat, dictu non admodum difficile est. Serum è liquidioribus as-

lum-

Sumptorum partibus naturæ in nobis lege generatur, quô non minus quam sanguine ipsô carere possumus, beneficiaque corpori egregia præstat, de quibus vide-
sis Rolsinccium dissert. Anat. l. 5. c. 25. I. Theod. Schenckium
de histor. ser. sang. Inprimis autem chylum vehit & san-
 guinem, ut per vasorum, ille quidem lacteorum, hic
 sanguiducorum & præcipuè capillarium angustias in-
 offenso quasi pede transire, partiumque fibras pene-
 trare possit, quô respectu jam olim *Hippocrati de ali-*
ment. ὀχνηματὴν τροφῆς habitum fuit. Pariter nec salium
 in nobis ortus obscurus est. Terram & aquam, quibus
 plantæ, & his bruta & homines, nutriuntur, variis sa-
 lium, generibus & excrementitiis impuritatibus par-
 tîm terrestribus & crassioribus, partîm spirituosiss &
 volatilibus scatere, res ipsa probat, eademque cum ci-
 bo & potu in corpus nostrum duci vel unius urinæ &
 sanguinis anatome comprobat. Hæc sive quantitate
 sive qualitate molesta, si non statim suo singula loco
 & tempore ab alimentari massa sequestrentur, & ad
 consueta naturæ emunctoria deportentur, chylum &
 sanguinem conspurcant, & non rarò indelebilem utri-
 que maculam inurunt.

VIII. Serum quidem suo jam defunctum munere
 quasi de naturæ providentiâ superfluam hanc & excre-
 mentitiâ in sanguine falsedinem pro viribus imbi-
 bit, secumque in sanitatis vindicationem per varia cor-
 poris emissaria educit: quod si tamen oneri succum-
 bit, & nec sibi nec sordib9 his everrendis quodcunque
 ob impedimentum sufficit, impuritate suâ omnem, quo
 cum it, sanguinem collutular, & quem in motu suo
 s. n. juvare debuit, pigriorem, non rarò etiam præter
 fas volatilem reddit; præsertim verò specificâ κακότητά

scorbuticâ pollutum virus suum omnibus partibus inspirat, malignitarisq̃ue vestigia ubique relinquit. corruptô viscerum fermentô coctiones turbat depravatq̃ue, cachexiam toti corpori inducit, gingivarum pruritus, erosio, cruentatio, exulceratio, oris foetor, nec non dentium vacillatio & casus, ubi subtilior cacochymia pars ἀνὰ ῥῆον fit, crurum infirmitas, gravativus dolor, tumor, ulcera, &c. si crassior κατὰ ῥῆον fit: unô verbô, scorbutus, sequuntur. Porro ubi virulentum hoc lixivium intra mesenterii & intestinorum tunicas effunditur, similes colicis cruciatus excitat, si cor afficit, palpitationem, lipothymiam, pulsus inæquales & tantum non abolitos inducit, in nervis spasmus, in articulis arthritidem, in musculis paralyfin, in renibus nephritidem, in aliis partibus varia alia pro variâ salium humorumq̃ue commistorum conditione symptomata mentitur, vixque morbus est aut symptoma, quibus cum infausto se conjugio non societ, cujusq̃ue sub umbrâ non delitescat aut fallat.

IX. Ad collectionem autem sordium harum dubio procul lien, si non semper, frequentissimè tamen, omnem, quam potest, operam suam locat, non quidem salinarum & tartarearum scoriarum, vel si mavis, melancholiæ attractionem negligendo, quod olim lienii officium, insciâ naturâ, *Galenus* affinxit; vel virtutem sanguificam (idolum hujus ætatis insigne secundum *N. Highmorum de affect. hypoch. c. 4.*) legniter exercendo: hanc enim cordi refero; multò minus separationem vehiculi succi alibilis per nervos deferendi susque deq̃ue habendo, ad quod *Glissonii de anat. hep.* juditiô aliàs tenetur lien, nec enim talis per nervos succus it, nec si iret, hoc à liene vehiculum emendicare necesse ha-

bet, consule *Th. Bartholinum Spicil. 1. d. vas. lymph. c. 3.*
Deusungium de nutrit. succi per nerv. influent. commento.
 sed peculiarem quam à liene desiderant sylvestria fa-
 lia & excrementa, dispositionem & immutationem de-
 negando. Scilicet coctus in corde è chylo sanguis ad-
 huc heterogeneis sconiis & retrimētis variis inqui-
 natus est, in diversis à natura emunctoriis, quò san-
 guinis circulantis ope deferuntur, sequestrandis: quod
 ut felicius succedat, peculiarem eidem digestionem
 & immutationem lien debet, novoque quasi fermento,
 ut lac coagulo, addito, disponit, ut ad sua singula
 loca & emissaria statò tempore abeant, sanguisque in-
 desideratum partium nutritum aptior evadat. Hoc
 suo si lien deest officio, nec est aut esse potest aliud,
 quod vicariam eidem operam locat viscus, retrimen-
 ta illa, quæ non nisi lienis virtute domita aliorum vi-
 scerum monita audiunt, alimentari relicta massæ co-
 tius corporis œconomiam turbant, lienisque culpam
 omnes partes luere coguntur, ut quod olim de utero
Hippocrates, verissime de liene conqueri possis, sexcen-
 tarum ærumnarum authorem esse.

X. Non tamen omnem hóc ipsò bilem in solum li-
 enem evomendam esse dixerim. Quod si enim ven-
 triculus & hujus satellites sylvestria falia & crudos in
 cibo partes vel propriò vel alimentorum vitiò non
 satis domant, si fœcum ab alimentari succo separatio-
 nem intestina non debitè juvant, sed cum chylo in la-
 tæa vasa transtundunt, si crudum cor sanguinem cu-
 dit, si elevatos in corde sylvestres vapores pulmo non
 decenter expuit, si hepar in biliosi, renes in aquosi se-
 ri, pancreas in humiditatis nitrosæ depuratione pigri-
 ora sint, nec cæteræ, quod debent partes sanguini offi-

cium,

cium, debitè exequuntur, tantum abest, ut lien vel optimè valens huius vel illius visceris errores corrigere, aut officii sui diligentiam compensare valeat, ut illorum potius culpâ vapulet, intemperies, obstructionem, &c. alienâ negligentiam contrahat, malumque malo cumulet. Communiter ventriculum in eò redarguunt, quod salia fixa & copiosè cum cibis ingesta non satis attenuet aut exaltet, unde ob denegatam *πυκνωσιν* vel in primis statim viis subsistunt, obstructionum causæ, vel cum chylo permixta inquinamentum sanguini afferunt, vide *Senn. d. scorbut. c. 2.* Sed ut tartareas has terrestresque fœces in scorbuticis nemo nisi qui oculis fidem denegat, negare potest; crassiores enim & fæculentæ, nonnunquam quasi lepiâ tinctæ urinæ, quibus emissis non raro meliusculè habent ægri, pro his satis loquuntur: ita subindè volatile sal subesse, inficiari non potest, qui effectus & symptomata scorbuticorum diligentius expendit; momentanea humoris dolorisque vellicantis, urentis, &c. ab una parte in aliam transpositio, tuberculorum subito natorum subitanea reductio, aliaque non fixam & terrestrem sed subtilem volatilem causam sapiunt, multaque dubio procul scorbutica symptomata alia oriuntur, non quod crassum sal in ventriculo non attenuetur, sed quod nimis attenuetur, nimis penetrans evadat, ut sanguini citius cum chylo permisceatur, quàm cum excrementis per alvum secedat. Salis huius volatilis vestigia qui ex jam dictis non satis videt, spagyricam sanguinis scorbutici anatomiam consulat, taleque abundantissimè in sanguine etiam apparenter puro latere deprehendet.

XX. Imbibunt viscera hoc quasi contagium, nonnunquam à primo ortu, dum à parentibus in liberos cum semine & lacte uterino traducitur, partibusque instillatur, quod, ut fracidum dolium vino & infusis quibusvis saporem suum, suam omni cibo & potu labem communicat. Et hanc causam potissimum suspectam habet *I. Dravviti* in *præfat. l. de scorb. symptom.* quam propter tantas hodiè vires ubique sumat Scorbutus, suæ tyrannidis pomœria indies magis magisque extendat. Hoc modo salvô filiô in nepotibus demùm recruidisse virus, testatur *Reusnerus exercit. 5. de Scorbuto.* Non minus extra uterum meticulosum est contagium hoc, quod sæpè solum citra præcedens viscerum vitium ad scorbutum inducendum sufficit secundum *Sal. Albert. de Scorb.* integrasque eodem *Reusnero* teste familias inficit. Furtivo velut pede subit corpus contagium hoc, nec nisi firmis positis radicibus suis se inditiis prodit, unde negligitur & liberè in internecionem nostram occulta sua semina hinc inde largiter disseminat, ut iterum conqueritur *I. Dravviti l. c. tit. 2.* Sugunt hoc nutricum cum lacte infantes, lambunt cum præmanis ex parentum ore cibis, præsertim si horum in ore vitium sedet, alii per oscula, convictum, concubitum aut accessum quemcunque fomitem cum halitu, saliva, sudore hauriunt. Ab halitibus & foetore cadaverum scorbuto extinctorum malum prognatum fuisse, notavit *Sennertus c. 1. & 4. de scorbuto.* modum explico verbis *C. Hofmanni de feb. c. 57.* statim à morte extinctô calidô in corpore nihil periculi est, sed postquam putredo cadaveris invalescere cœpit;

— procul ô procul esse sodales.

XII. Præter jam dictas causas quid subsidii in malo hoc ovo excludendo res non naturales dictæ conferant, nunc videndum. *Hippocrates* omnes morbos à solo aëre oriri existimat *libr. de flatib.* Profectò si aër alibi, præprimis in præsentì casu vires suas strenuè exercet, sive ore, naribus aut corporis porositatibus imbibatur, sive cum cibo aut potu deglutiatur, si salis, putridis aliisque è mari, pilcinis, alga putrida, lacubus, plateis immundis surgentibus halitibus infectus est, non potest non scabiem suam sanguini affricare eumque in contragii consortium trahere, occultoque veneno suo corrumpere, unde ferè olim Endemium fuit malum hoc locis mari vicinis, vliginosis & lacubus circumdatis, non æquè aridis, *Stegkii l. 4. med. pract. c. 13.* Hollandis ideò infensas esse splenitides *Ronsseus de magn. lienib.* scribit: Alcmariam etiam Amstelodamum & loca his vicina inhabitantes multò periculosius & frequentius scelotyrbe affici, quàm Gaudam aut Roterodamum, utut communi victu utantur, hisque rarius *Dordrechtum epist. med. 1.* memorat. Idem *Gr. Horstius* in veteri Marchia Brandenburgensi observavit. Frigidus & humidus aër humores in corpore densat, inque motu pigriores reddit, debilitato calore coctiones lædit, nec non supervacaneorum expulsionem cohibet; quo nomine plurimi ex *Olao Magno l. 16. hist. septentr.* intra tabulata morbum mitescere, sub frigida verò & humida murorum exhalatione foveri docent, eademque de causa complures in udos detrusi carceres accedente pravo victu & motus privatione scorbutici evasere: fortè tamen rectius quicquid hic fit, non tam frigiditati & humiditati aëris, quàm nitrosis & salis exhalationibus, quibus austrinâ rempe-
state

state madescunt muri cum *Conringio disput. de scorbut.*
impetamus.

XIII. De cibo & potu multa verba facere opus non est; Si enim secundum *Fienum Physograph. c. 2.* omni alimento quantumvis feliciter in ventriculo concocto genuina perpetuò insitaque natura mordicè retinetur, si lactuca aliæque frigida licet coctione vincantur, superenturque, ventriculum tamen & corpus reliquum refrigerent, si vinum aut allium calefaciunt, quid miri, si carnes, pisces, salita fumoque indurata & optimò succo exuta alia, lardum mucidum, butyrum rancidum, panis ex corrupto & mucido frumento paratus, semiputrida & terrestribus tartareis salinisque partibus fixis & volatilibus turgentia omnia idem in sanguinem jus proque indole sua cum alterandi vim habent. Quod idem de potu iudicium est. Aquam vitiosam magnos generare lienes jam dudum *Cous de aëre aq. & locis* indicavit. *Lusitani* qui primi Indiam Orientalem salutarunt, eam à potu fluentis aquæ gingivarum intumescentiam experti sunt, ut his continendis vix os sufficeret; secundum *Rod. à Fonseca Consultat. med. 2. tom. 1.* simile quid Cæsaris Germanici exercitui in tractu Rhenensi contigisse, refert *Plinius lib. 25 nat. hist. 3.* Hujus centus sunt aquæ verminosæ, subsalsæ, nitrosæ, (quo nomine pluviales & nivosæ malè audiunt) lacustres, foeculentæque aliæ, quæ nec coctione nec fermentatione nocuam omnem vim exuere possunt. Infamis etiam meritò est cerevisia, quæ ex his coquitur, (in specie quidem Lugdunensium Batavorum *M. Schoockio* censore *de cerevis. c. 24.*) aliæque ex vitioso frumento nec satis cocta nec lupulo sufficienter condita facibusque referta. Vinum crudum, austerum, pendulum,

aut

aut in vappam jam degenerans causarum numerum
 auget; Exercitia vel planè omiſſa vel intempeſtivo ſu-
 ſcepta tempore malum ſtrenuè juvant, hæc cruditates
 creando, illa coacervando quicquid colluviei ſcorbu-
 ticæ ſive cum alimento ſive cum aëre apportatum fuit,
 unde foeminæ præ viris, urbani præ ruſticis, qui conti-
 nuis, quibus fatigantur laboribus pravos in corpore
 congeſtos humores expellere facile norunt, magis luc
 hâc affligi, experientiâ conſtat. Alvi, lotii, ſudoris, hæ-
 morrhoidum, menſtruorum evacuationes præter de-
 bitum ſuppreſſæ ſuum pariter ſymbolum conferunt,
 ut ſcorbutum ex menſium ſuppreſſione ortum *Euga-
 lenus obſ. 1.* deſcribit. Nec animi motus, cum cor & ſan-
 guinem variè afficiant & commoveant, aſymboli ac-
 cedunt. *C. Hoffmannus l. 1. de loc. aff. c. 36.* hoc *Φαινομένην*
 rem declarat: Aqua bis terve calefacta iterumque re-
 frigerata & manifeſtè turbida & putida eſt: idem ſan-
 guini in animi affectibus accidit. Inprimis verò mœ-
 ror & triſtitia efficaciffima ſunt, de quibus *Eugalenus*
de ſcorb. p. 3. & obſ. 15. quos cum craſſiori victus ratio-
 ne diuturnior exercuit mœſtitia, de his ægrotantibus
 conſtanter & ſemper prædicere auſus fui, eos à ſcor-
 buto morbo vel ſolo vel aliis permiſſo teneri: cauſam
 ſuggerit *Sennert. de conſ. & diſſ. chym. cum Gal. & Ariſt. c. 14.*
 Sub curis & mœſtitia non rectè coqui cibos, ſed cor-
 rumpi, cruditatesq; & vitioſos humores cumulari: ſcil-
 cordis vires & motus, & cum his ſanguinis in partes in-
 fluxus imminuuntur. Res p. n. febres quartanæ præ-
 fertim, nec non tertianæ diuturnæ, affectus hypochon-
 driacus & alia non rarò ſcorbuto focum accendunt, ſive
 viſcera quocunq; modo debilitando, ſive expultricem,
 nè vitioſam colluviem expellere valeat, fatigando.

Tantum de causis, unde quis, qualis, quantus sit affectus noster, colligere cuivis facile est.

XIV. Quà signa, cognitu quidem morbus hic haud difficilis est; ubi jam auctus suis quasi satellitibus, signis pathognomonicis, stipatus incedit. Sed primordia ejus subolfacere, non nisi nasuti & peritissimi artificis est, cum omnium ferè morborum formam faciemque, ut fallat, induat, sæpeque ægrum jugulet, antequàm manifesta sui indicia faciat. Eò accuratiori itaque scrutinio opus est, cum tantum unusquisque Medicorum in curando valeat, quantum in cognoscendo. Nimirum ubi scorbuti delitescantis suspicio incidit, præsentibus spontaneâ corporis lassitudine, respiratione sub motu difficili, insueto corporis incremento cum colore faciei livido, aliisque cachexiæ & hypochondriaco malo indiciis communibus, inquirat Medicus, an æger aliquando aërem, victum, lectum aliaq; cum scorbutico communia habuerit, an parentibus hæc lue infectis natus sit, an quartanâ, tertianâ diuturniori laborârit, an symptomata à consuetis alia sentiat, an ordinariis malum remediis resistat, an ingravescat singulis binis vel ternis diebus, an de nocte; an mœrori aut melancholiæ indulgeat, inspiciat urinas, quas à principio ferè aquosas & pallidas tartareis & salinis scorriis in sanguine restagnantibus; mox crassiores, lixiviosas deprehendet, auctis & commotis in corpore humoribus, cum rubro non rarò sedimento farinæ laterum æmulo, nec non arenulis rubris matulæ parietibus certatim adhærescentibus. Examine pulsum, qui inæqualis, debilis, interdum vermiculans esse solet, quasi mortis jam instantis prænuncius, corde à vitiosa colluvie cum sanguine refluxo adducta, oppresso.

XV. Augescente morbo etiam symptomata vires majores sumunt, jamq; malum ferè propriis suis, ut torrex, indicibus se prodat: pruriunt gingivæ, intumescunt, sanguinem ad tactum sudant, putrescunt; vacillant dentes, & nonnunquam sine dolore suis excidunt alveolis; foetidus ab ore spiritus exit, tument pedes rigentque nec suum jam amplius officium faciunt, dolores exurgunt ὀστέονοι, ossifragi, cum manifesto ad articulorum inflexiones sonitu; nonnullis in cruribus & universo sæpè corpore maculæ rubræ, purpureæ, cœruleæ, quasi à strigibus inductæ apparent; de causis jam supra. Tandem ventris tormina colicis similia accidunt, alvi interdum fluxus etiam sanguinolenti, interdum pertinax obstructio sequitur, præ atrophiam vix cutis ossibus hæret, dolores cutambuli, vagi, à salino lixivio hinc inde effuso totum corpus exercent, aliaque innumera, de quibus prolixissimus est *Eugalenus de scorb.* Breviter, nulla corporis pars est, quæ immunitatem sibi ab hostilibus insultibus promittere valeat; alia tamen in aliis, nec in uno individuo omnia occurrunt, pro humoris temporis, loci, morborum, quibus se jungit, aliarumque circumstantiarum ratione jam plura & graviora, jam pauciora & mitiora.

XVI. De eventu ex dictis judicium liquidò patet, in genere cum morbis melancholicis chronicus affectus est, nec subito ægrum invadit, nec subito deleat, nisi malignitate auctâ & ad summum exaltata gradum, subitaneam spiritibus vitalibus ruinam inferat; in specie verò hæreditarius si est, ferè *ἀνίατος* est, sique vel maximè victas aliquandò manus dare videtur, levi tamen de causa recrudesceat & ægrum ad mortem comitatur: ægrè pariter evellitur, qui altas jam radices egit, viamque sensim ad hydropem, atro-

C phi-

phiam, paralyfin, convulfiones, carum, apoplexiam, lethalia mala sternit, præsertim si in morbo propul-
sando Medicus & æger concordēs non sint, sed alter-
uter à pugna se subduxerit, aut hosti suppetias tulerit,
actum & conclamarum est: at unitis virib9 si pugnant
& Medicus & æger, sæpè nè Hercules quidem morbo9
contra duos, ut elegantissimè loquitur *Gu. Rolfinctius*
Comm in 1. Aph. 1. c. 13. Principiens, curatu facilior est,
lento tamen & restudineo gradu ad salutem tendit,
discusso fomite per vomitum, alvum, mensium, hæ-
morrhoidum fluxum, de quibus jam in *Curatione*.

XVII. Hæc itaque ubi locum habet, ante omnia cau-
sæ internæ & externæ, quæ scorbuticam cacochymiam
in corpore colligunt, removendæ sunt, cacochymia
jam collecta educenda, dispositio maligna visceribus,
totique corpori impressa, suis corrigenda antidotis,
symptomata si urgeant, inhibenda, visceraque quo-
cunque modo labefactata, pristino & nativo vigori re-
stituenda. Auxilia suppeditant Diæta, Chirurgia, Phar-
macia. Quà *diætā*, æris noxæ superius notatæ quàm
maximè vitandæ veniunt, sique alio non licet modo,
corrigantur accenso foco ex ligno laurin. juniper.
quern. rorimar. gran. mastich. thur. succin. aliisque
suffumigiis. Cibis quàm fieri potest, recentibus, bo-
ni succi & facilis coctionis inhærendum; qui thym.
majoran. roremar. salv. petrol. cort. citr. aurant. panis
coetera optimus seminibus fœnicul. anis. cumin. con-
diantur. Embammata ex raph. rust. sinap. acetaria ex
cochlear. nasturt. acetos. capp. nec non lupuli summi-
tatibus commendantur. In vino, cerevisia, lacte, sero,
quò Batavi & Frisii rustici à patrio se munire dicuntur
scorbuto, suspendi possunt verno potissimum tempore

cochlear. nasturt. fumar. ling. cervin. rad. helen. &c.
absynth. ex commendatione *Eugaleni*. Moderata ex-
ercitia, quæ vitiosis humoribus dispellendis sufficiunt
& tempestiva quærenda, somnusque nocturnus sit,
omnia alia prohibeant, nec statim post cibos ineundo: exu-
lent omnes motus vehementiores, præsertim moeror
& tristitia. Alvi adstrictio, quæ ferè solennis hîc est,
& fortè rectius ab intestinorum quasi convulsione
quàm ulla alia causa petitur, emollienda & reseranda.
Purgationes vere & autumnæ ordinariæ sint; sudori-
bus, qui assueti sunt, remoram non ponant, nî viribus
insidientur. Nonnunquam aquæ dulcis incessibus uti
consultum est, ut cutis strigmenta abluantur, corpo-
risque transpiratio libera sit: nec abs re est, nonnun-
quam unum vel alterum cochl. aquæ scorb. Myns.
Dorncreilii, &c. deglutire, addito saporis, si placet, gra-
tiâ syr. de acetos. citr. de rub. Idæo & aliis

XVIII. Quod sic tamen hæc morbo expugnando
non satis sint, ut ferè fit, ubi *πίεσμα* temporis diutur-
nitate in corpore radicatum est, ad alia auxilia eun-
dum. Et quidem *Chirurgia* sanguinis missionem of-
fert, quæ suis restricta limitibus non raro spem cura-
tionis magnam facit, ubi scil. plethora urget aut san-
guis præter solitum suppressus, si recens malum est,
viresque consentiunt ecoprotico vel leniente ex fol.
sen. mann. crystall. Tartar. pil. Francof. Diæt. Haug.
aliisque vel etiam clysteribus lenientibus præmissis,
parcè tamen, cum morbus cacochymicus sit, nec ma-
gnam ferat venæsectionem, experientiâ ipsâ teste, per
ἰνέουσαν & in variis partibus, ut ubique cum minori
virium jacturâ peccanti materiæ via monstretur, si-
mulque nimia sylvestrium talium ferocia & ebullitio

reprimatur. Quà delectum venarum, salvatella magnit apud *Forestum* l. 20. *obs.* 11. & alios. rationesque pro hac finxit *Adr. Spigelius* l. 5. *human. corp. fabr.* 7. Mihi potius arrident, quæ contra afferunt *Sennert.* l. 3. *de febb.* c. 20. *In paralip. in Instit.* c. 24. *Rolfinccius.* *dissert. Anat.* l. 5 c. 39. Fieri potest vulneratio venæ cujuscunque live in brachio, five in pede, quæ evidentior est; si tamen à mensium suppressione foveatur malum, humorumque crassities peccat, proculdubio plus utilitatis cruralium venarum sectio, quàm brachii, quòd in pedes suapte sponte materia declinat, promittit. Raninæ aperiri possunt, ubi gingivæ affliguntur. Hæmorrhoides tamen five naturâ five arte referentur, communiter omni phlebotomiæ præferunt, quod melancholicam lienis sarcinam commodissimè ejiciant, 6. *Aph.* 11. & 21. Sed quàm incertum asserto suo fulcrum supponant, explicant *B. Suvalve* *disq. therap. gener.* §. 6. 1. *Valæus meth. med. de hæmorrh.* ichorosa in sanguine sentinæ exhauriendæ etiam fonticuli conveniunt.

XVIII. Denique nec Chirurgicis præsidiiis sufficientibus pharmacia in subsidium veniat, quæ purgantia subministrat humores five per inferiora five superiora ducentia, quorum pro humorum vergentia jam hæc jam illa eligi possunt, præmissâ tamen per aliquot dies humorum corporisque præparatione debitâ per digercientia, incidentia, attenuantia, acredinem edulcorantia, aperientia, nimiam volatilitatem figentia. Materia ubique nota est; præstant *Croc.* ♂ *aperitiv.* *foecul. aron. crem.* & *crystall.* *Tartar. tinctur.* ♂ *aperit.* *tinctur. tartar. sal tartar. tartar. vitriolat. nitr. vitriolat.* *Myns.* quibus tamen cautione illâ opus esse quàm maximè censeo, quam *Sennertus lib. 3. prax. p. 3. c. 4.* ut &
in

in Paralip ad Instit. eliquit. Præparantibus his & aliis specificis & appropriatis antiscorbutica semper associanda sunt: quod idem actum esto de purgantibus, quæ moderata sint, præsertim circa initium, nè exasperent & ferociiores humores reddant. Facessere ergò debent antimoniata ob actionis vehementiam diabolica *Fallopia* dicta, scammoniata, Mercurialia, quorum ferè morbus noster impatiens est: eligantur contra leniora ex fol. sen. radic. polypod. lalapp. mechoac. rhabarb. Agaric. helleb. nigr. pil. de ammoniac. tartar. d. fumar. panchymag. Croll. xtr. diacarth. per quæ & similia pravorum humorum colluvies, siquidem unâ vice exhausti non potest, per *Thiנגgaru* interpositis semper præparantibus, evacuanda. Vomitoria si usum inveniunt itidem moderata sint, convenit manna vomitoriorum, sal vitriol. s. gill; Theophr. nonnunquam sola aqua tepida hord. decoct. raphan. syr. acetos. sufficiunt. *Mynsicht* extollit cric. suum metall. absynth.

XX. Post hæc ad sudorifera & diuretica pergendum, & quidem præ aliis specifica eligenda, quæ peculiari vi qualitates salis in corpore corrupti emendant, id ipsum per vias convenientes, vesicâ puta, porositates corporis alias sensibiliter vel insensibiliter expellunt, simulq; pravam partibus & sanguini impressam dispositionem delert; quibus sæpè solis, ubi non tam viscerum obstructio, quàm occulta sanguinis infectio adest, *μιασμα* feliciter & tutius quàm vel purgatione vel venæsectione extirpatur. Inter sudorifera excellent Bezoart. min. χ . δ . antimon. diaphoret. acet. diaphor. spirit. cochlear. tartar. C. C. mistur. simpl. vitriolat. sal absynth. fumar. Decoct. lign. sanct. lassifr. sarsaparill. c. antiscorbuticis efficacissimum est, & si
ner-

nervosas aut fibrosas musculorum partes tenet malum, potio Campensis Medici cum lunbric. terr. apud *Fo- restum & Gr. Horstium epist. Medic.* § 2. de arthritid. vagā descripta palmam facile omnibus præripit. Pauperes cochlear. & nasturt. aquat. manipulos aliquot in sero lactis coquant & expressi haustum manè & vesperti sumant pro sudoris provocatione. Dureticorum materia nemini non cognita est, hæc q̄; multum ad curationem contribuere posse, vel inde patet, quod seroso-salina hæc colluvies promptè ad renes vegat. Gaudent hac diuretica vi ferè antiscorbutica omnia, quæ ideo locum etiam præ aliis merentur, undè his munere suo probè functis, urina quæ ante clara post turbida redditur. Hoc in loco non in gloriæ dinittendæ sunt acidulæ Spadanæ apud *Henric. ab Heer n. Spadacr.* Swalbacenses apud *Lud. ab Hornigk. de acid. Swalbac.* Griesbachianæ apud *Sebiz. de acid.* & quæ inter primas merito ponendæ erant, Deinacentes nostræ, quæ sal scorbuticum fideliter imbibunt & secum per omnes excretionum vias feliciter educunt, nec non amicâ adstrictione viscera corroborant. An. priter acida alia convenient, non eadem omnium sententia est. Missis controversis, locum illis non denegaverim, ubi *μιασμα* scorbuticum in sale nimis volatili hæret, quod frenis & fixatione opus habet: ut enim nimis volatilia extra corpus nostrum acidorum admistione facile coërcantur, ut fugitivos mores exuant; ita idem dubio procul sanguis noster ob similium commistionem in corpore experitur. Nautæ Hollandi hanc ob causam pomorum citriorum & aurantiorum usum sibi commendatissimum habent *Ron Jêô* & experienciâ testibus, aliis acetum squilliticum profuit apud *Dravvium*

trum tract. c. Alexipharmaca quidem antiscorbutica, inter quæ famosissima sunt cochlear. nasturt. aq. Beccabung. sinapi, raphan. rustic. chelidon. minus, nummularia omnium de consensu vires suas exerere creduntur, quod sale volatili cruda & fixa attenuent secumque exaltent, quod etiam in vulgus notum. At nè alios nunc nodos nequam, cur quæso, stante hac hypothese, cochlearia reliquorum antiscorbuticorum facile princeps & volatili sale præ omnibus abundans sæpè aliis non volatilibus in viribus cedit & præsertim calidioribus biliosis naturis plus incommodi quàm commodi affert? Mihi ita videtur, ut τοξον & occultum virus in scorbutico sanguine agnoscere omnes necesse habent, ita etiam occulta vis alexipharmacorum, quæ agunt, admittenda est: hæc autem ἀρρητὸς qualitas utur omnibus antiscorbuticis concedita sit, omnia tamen non æquè & pari in omnibus individuis felicitate operari norunt, propter adstantes alias qualitates manifestas, quarum modò hoc modò illud individuum impatiens est, quod idem circa purgantia quotidie usu venire videmus, quibus omnibus vis purgatrix quidem communis est, ob aliam atque aliam tamen comitem & noxiam qualitatem hoc illi, illud alii humori, non omnia omnibus expurgandis indistinctim conveniunt; de quibus aliàs; Nunc filum abrumpo. Quæ viscerum singulorum salutis aut symptomatum, si quæ urgent, mitigationi destinata sunt, magnò agmine à Practicis adducuntur, qui de his consulendi.

DEO Ter-Glorioso, summo illi corporis & animæ Medico, sit Laus, Honor, Gloria, & gratiarum actio
in æternum!

Ad-

ADDITAMENTA.

I.

In Ὠγαλόω seu verius παρτέω scorbuticâ, qui simpliciter ad nervos horumque principium curationem dirigit, veram nescire videtur symptomatis hujus radicem.

II.

Ad corvos cum Fuchsio in Instit. abire jubemus impostores illos & ἑρπύωνας, qui ob sordidum questum ex solius urina inspectione infallibile de quocunque morbo judicium vanissimè sibi arrogant.

III.

Opiata medicamenta in plurimis gravissimis morbis dextrè adhibita manus DEI sunt: secus non rarò evadunt culter in manu furiosi.

IV.

Quàm vetusta est illa de electivè purgantibus doctrina, tam vana videtur.

V.

Pro fonte lachrymarum, salvâ magnorum virorum authoritate, non cerebrum, non oculos agnosco, adeoque lachrymas cerebri excrementa esse vix ac nè vix quidem largior.

VI.

Nec ἀποφλεγμαλίζοντα, masticatoria, ptarmica, sternutatoria medicamenta è cerebro hauriunt, quæ evacuant.

VII.

Hepar citra meritum suum in Gutta rosaceâ hæcenus malè audiit.

VIII.

Λιθάξως seu petrificationis microcosmica causa efficiens proxima non calor est non frigus, sed spiritus seminalis petrificus internus.

F I N I S.